



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-957/22
Datum, 01.06.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 16. sjednici održanoj dana 01.06.2022. godine, primilo je k znanju

Informaciju o realizaciji projekta Kanalizacija na Trebeviću.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o realizaciji projekta Kanalizacija na Trebeviću

Sarajevo, juni 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Projekat izrade kanalizacionog sistema, odnosno sistema odvodnje fekalnih voda iz objekata gornje stanice Trebevičke žičare i ugostiteljsko-poslovnog objekta Vidikovac, jedan je od ključnih infrastrukturnih projekata Grada Sarajeva kojim se stvaraju uslovi za realizaciju budućih projekata u sklopu revitalizacije Trebevića, kao što je obnova Astronomske opservatorije i Bob staze.

U skladu sa odobrenjima za građenje, odnosno saglasnostima KJKP „VIK“-a, u sklopu objekta dolazne stanice Trebevičke žičare izgrađena je septička jama koja je trenutno u upotrebi. Na postojeću septičku jamu izvršeno je priključenje objekta Vidikovac koji je trenutno u izgradnji, a također sve u skladu sa saglasnošću KJKP „VIK“ i odobrenjem za građenjem.

Prema raspoloživim informacijama od korisnika objekta JP „Sarajevo“, održavanje ovakvog sistema podrazumijeva redovno sedmično pražnjenje septika, što je uzimajući u obzir cijenu dolaska i uslugu specijalnog vozila za pražnjenje septika, ekonomski neodrživo. Potrebno je uzeti obzir da će se stavljanjem u funkciju objekta Vidikovac u punom kapacitetu priliv fekalnih voda u postojeći septik još više povećati te će troškovi pražnjenja biti uvećani.

Uzimajući u obzir navedeno, Grad Sarajevo je pristupio projekatu izrade kanalizacionog sistema Vidikovac – Čolina kapa kao jedinom pravom i održivom rješenju odvodnje fekalnih voda sa objekata Vidikovac i dolazne stanica žičare, ali i rješavanju problema nepostojanja kanalizacionog sistema na čitavom Trebevičkom platou, jer su planirane tehničke mogućnosti da se na novi cjevovod priključe svi postojeći objekti na Trebeviću, čime bi se riješio veliki ekološki i higijensko-epidemiološki problem.

U sklopu ovih aktivnosti izrađen je idejni projekat prema načelnoj saglasnosti KJKP VIK – pogon kanalizacija, na koji su dobivene pozitivne saglasnosti od Ministarstva prostornog uređenja, građenja i zaštite okoliša KS, Zavoda za planiranje razvoja KS, Zavod za zaštitu kulturno-historijskog i prirodnog naslijeđa KS.

Planirano je da se finansiranje ovog projekta vrši iz kreditnih sredstava Razvojne banke FBiH i Budžeta Grada Sarajeva te su osigurana sredstva u iznosu od 1.300.000 KM.

Grad Sarajevo je dobio urbanističku saglasnost Općine Stari Grad Sarajevo, te u skladu sa istom provodi aktivnosti na pribavljanju potrebnih saglasnosti komunalnih preduzeća. Također, pokrenuta je nabavka usluge revizije Glavnog projekta, geotehničkog izvještaja o terenu te rješavanje imovinsko-pravnih odnosa za šumsko zemljište sa Ministarstvom Privrede Kantona Sarajevo.

Grad Sarajevo ovo smatra veoma bitnim infrastrukturnim projektom kojim bi riješio problem odvodnje fekalnih voda čitavog Trebevičkog platoa, što je svakako od interesa za zaštićeni pejzaž „Trebević“.

Po dobivanju odobrenja za građenje, pokrenut će se nabavka za izbor najpovoljnijeg izvođača te su očekivanja da će se realizacija provoditi u tekućoj 2022. godini.